



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Eyn Sermonn auff den Pfingstag**

**Luther, Martin**

**[Erfurt], 1523**

**VD16 ZV 22515**

Textteil

**urn:nbn:de:hbz:466:1-32106**

# Eyn Sermon auff den Pfingstag.

**A**Vff das Euangelium Johannis am. 14. Ihesus sprach zu seynen  
Jüngern/ Wer mich liebet/ der wirct meyn wort halten. &c.

**E**he wyr das Euangelium angreyffen/müssen wyr vor eyn wenig vō  
diesen fest reden/vnd die history odder geschicht schen/die man auff  
diesen tag begehet. Also schreybt S. Lucas am andern Cap: Actorum.  
Als der tag der pfingsten erfüllt war/ waren die unger alle eynnütig zu/  
hausse/ vnd es geschach schnell eyn brausen vom hymel/ als eynes gewal-  
tigen windes/ vnd erfüllt das ganze haus/ do sie sassen/ Vnd man sahe  
an yhn die zungen zurpalten/ als weren sie fewrig/ vnd er satzt sich auff  
eynen iglichen vnter yhn/ vnd wurden all vol des heyligen geysts/ vnd fin-  
gen an zu predigen mit andern zungen/nach dem der geyst yhn gab aufzu/  
sprechen. Es waren aber Juden zu Iherusalem wonend/ die waren gott/  
forchtige menner/ auf allerley volck/ das vntet dem hymel ist.

Da nun die stym geschach/kam die menge zusammen/ vnd wurden ver/  
storzt/Den es höret eyn iglicher/ das sie mit seyner sprach redeten. Sie ent/  
satzen sich aber alle/ verwunderten sich/ vnd sprachen vnter eynander/  
Sihe/ sind nicht diese alle/ die do reden/ von Galilea/ wie horen wyr denn  
eyn iglicher seyne sprache/ daryn wir geporn sind/ Parther vñ Neder &c.  
Wyr horen sie mit vnfern zungen/ die grossen thaten Gottis reden. Den/  
mb entsatzten sie sich alle/ vnd wurden yrre vnd sprachen/ Lyner zu dem  
andern/ Was will das werden? Die andern aber hatten yhren spot drauf/  
vnd sprachen. Sie sind voll süsses weynß. Als nun solichs geschach/ do  
erat Petrus auff vnd thet eyn schöne lange predig/wilche hie zu lang wur-  
de zuertzelen. Vnd do das volck solichs höret/ zu stach sich yhri hertz/ vnd  
sprachen zu yhm vnd zu den andern Aposteln. Ihr menner vnd lieben bus-  
der/ was sollen wyr thun? Do sprach Petrus zu yhn/ Thutt busse vñ lasse  
sich eyn iglicher teuffen/ auff den namen Ihesu Christi/ zu vergbung der  
sund/ So werdet yhri empfahen die gabe des heyligen geysts &c. Die nun  
seyn wortt gern annahmen/ liessen sich teuffen/ vnd wurden hynguge/  
chan/ an dem tag bey drey tauendt seelenn.

Disher Feiertag/ den man heyset den Pfingstag/ hatt seyn herkommen  
dauon. Do Got die kinder von Israel aus Egypten furet/ ließ er die selbis-



genacht das Osterfest hallten/ vnd gepott yhn/ das sie es letlich vmb die  
selbe zeyt feyeren sollten/ zu eym begengnis des aussgangs von Egypten.  
Vnd von dem selbigen tag an/ zogen sie darnach ynn der wusten/ funffzig  
tag biß an den berg Sinai. Do ward yhn durch Mosen das gesetz vonn  
Gott gegeben. Daher haben sie das fest gehaleen/ das wir Pfingsten nenn  
nen. Denn das wortlin Pfingsten/ kompe aus dem Krichisschen Penthe  
costes. Das heyße/ den Funffzigsten tag. Darumb sage hie Lucas. Do die  
selbigen Funffzig tag nach dem Osterfest vmb waren/ vnd sie begangen  
hatten das geschicht. Das Got dem volck das gesetz geben hat/ auff dem  
berg Sinai. Do kam der heylig geyst/ vnd gab yhn eyn ander gesetz. Also  
feyern wyr das fest/ nicht vmb des alten/ sondern vmb des newen geschis  
chtes willen. Clemlich/ von wegen der sendung des heyligen geysts. Dar  
umb müssen wyr hie eyn wenig eynn vnterricht geben/ vnd vnterscheyd  
anzeygen/ zwoysschen denn beyden.

Auffs erst/ Die Juden haben das fest darumb gehalten/ das yhn das  
gesetz schriftilich geben war. Wyr aber sollens darumb feyern/ das vnns  
Gottis gesetz geystlich gegeben ist. Das zuuerkleren gehort zuvor Sance  
Paulus/ der die vnterscheyd auch setzt/ vñ sagt von zweyerley predigt. z.  
zun Cor:am. 4. Vñ wie die predig zweyerley ist/ so ist auch zweyerley volck

Zum ersten/ Das schriftilich gesetz ist/ das Gott gepotten hat vnd yn  
die schrifft gefasset/ vnd heyßt darumb schriftilich/ das es nicht weytter  
kommt vñ gehtet nicht yns hertz. Es folgen auch die werck nicht hernach/  
denn nur eyttel heuchell werck/ vnd ist nur eusserlich gezwungenn ding.  
Darumb bleibt auch das volck alles schriftilich. Vnd syntemal es nur yn  
die schrifft vnd buchstaben gefasset ist/ so ist es alles tod gewest vnd hat  
auch getödtet/ vnd darzu eynn todt volck regiert/ den das hertz ist tode  
gewessen. Darumb das es Gottis gepott nicht gern gethan hatt. Denn  
wen man eym iglichen menschen seyn freyen willen solt lassen/ das er thet/  
wie er gern wol/ vñ sich fur keyner straff dofft furchten/ wird man keyn  
finden/ der nicht des gesetzs lieber wol vberhaben seym. Denn also fulet  
sich gewißlich die natur/ das sie lieber thett was sie gelüstet/ vñ muß doch  
anders thun. Denn sie gedencet also/ Sich Gott will mich straffenn/ vnd  
ynt die helle werffen/ wenn ich seyn gepott nicht hallte.

So fulet sich meyn natur/ das sie es vngern vnd mit vnlust widder  
yhien willen thutt. Darumb wirt der mensch sobald Gott feynd/ vmb  
der straff willen/ die weyler fulet/ das er eyn sunder ist/ vnd nicht recht mis

Gott stehet/vnnd das er yhm nichen holt ist/ das er lieber wollet/ das keynt  
Gott were. Solicher groll wider Gott stecket ym hertzen/ wie schon sich  
auch die natur will schmuckē. Darumb sicht man/ wie das gesetz/die weis  
es noch schrifftlich vnd ynn buchstaben ist/ nyemandt frum macht noch  
yng herz kumpt/Daron wyr viel gepredigt vnd geschrieben haben.

Das ander gesetz ist geystlich/ das schreybt sich mit keyner feder noch  
bintten/redet sich auch nicht mit dem mundt/ Sondern wie wyr hie sehen  
yn dißem geschicht/ Der heilig geyst felle vom hymel/ vnnd erfullet sie all  
mit eynander/ das sie fewrige zungen gewinnen/ vnd frey predigen/ ands  
den vorhyn/ das sich alles volck druber entsezgt. Do kumpt er vnd durch  
geußt das hertz/ vnd macht eyn andern menschen/ der nu Gott lieb hatt  
vnd gern thut was er will. Wilchs nichts anders ist/ den der heilig geyst  
selbs/ odder yhe das werck/ das er selbs thutt/ ym hertzen/ Do schreybt er  
eyttelfewer flammen yns hertz/ vnd macht es lebendig/das es herauß biss  
cht/ mit fewrigen zungen vnd thettiger hand/ vnd wirt eyn newer mensch  
der do fullet/das er gar eyn andern verstand/gemüt/ vnnd syn gefaßt hab/  
dan vor. So ist es nun alles lebendig/ Lebendig verstandt/ lieche/ müte  
vnd hertz/ das do brunnet vnnd lust hat zu allem was Gott gefellet. Das  
ist die rechte vnterscheyd/ zwyschen dem schrifftlichem vnd geystlichem  
gesetz Gottis/ Und do sihet man/ was des heyligen geysts werck sey.

Darumb liegt die kunst daran/ das man recht vom heyligen geyst piet  
dige. Bis her hatt man also von yhm gepredigt/ das er alles mache vnd  
eyngebe/ was die Concilia beschlossen/ vnd was der Papst ym geystlichen  
recht gepeint/ so doch das alles nur eusserlich ding ist/ von eusserlichen din  
gen gepeint/ vnd eusserlich regirt. Darumb ist es eben widersynnisch vnd  
vmbgekert/ Den sie machen auf des heyligen geysts werck/ eynn schiffet  
lich todt gesetz/ wilches doch eynn geystlich vnd lebendig gesetz seyn solle.  
Also macht man eyn Mojen vnd menschen tund auf yhm. Das macht/  
das man nichtt weyß/ was der heilig geyst sey/ wo zu er geben/ vnd was  
seyn ampt sey. Darumb so lasst uns lernen vnd yhe woffassen/ was er sey/  
das man wisse seyn ampt zu scheyden. Also hörstu hie/ Er kompt herab  
vnd erfullet die iunger/ die zuvor do sassen ynn traweren vnd forcht/ vnd  
machet yhe zungen fewrig vnd zu spallte/ entzündet sie/ das sie keck werden/  
vnd frey yn haussen predigen/ vnd sich für nichts furchten. Da si bistu ih  
klar/ das nicht seyn ampt sey/ bücher schreyben noch gesetz machen/ Son/  
dern das selbige nur frey auß heben/ vnd das er eynn solicher Gott ist/ der

nam yns hertz schreibt/ macht es puennen vñ schafft eyn newen müt/das  
der mensch fur Got frölich wirt/vnd lieb zu ym gewynnet/ vnd darnach  
den leutten mit frölichem gemütt dienet/ Also ist des heyligen geysts ampe  
recht gepredigt. Wer es nu anders abmalet/dem glarwe nicht/Den wenn  
er also kommt/ so sihstu/ das er den buchstaben auff hebt/ vñ will die leut  
frey machen von sunden vnd gesetz/das man des nyimmer durff/ vñ er ym  
herzen ynwendig regiere/ Vnd yhene geben ym die schuld/ das er die leute  
treybe wie Moses/ vnnb aller erst new gesetz mache.

Wo mit thut ers aber? vnd was ist der griff/den er dazu braucht/das  
er das hertz also wandlet vnd new macht: Da mit thut ers/das er verkun  
digte vñ predigt von dem hern Ihesu Christo/wie Christus selbs sagt Joh  
annis am. 15. Wen der tröster kommt wirt/der geyst der warheyt/ der vñ  
vatter ausfigehet/ der wirt zeugen von myr ic. Tu haben wir oft gehort/  
das das Euangelium sey/das Gott yn die welt lesset predigen/vnd yeders  
mann sagen/ Das nyemant durchs gesetz müge frum werden/Sondern  
werde nur erger: Darumb habe er seynen lieben sonn herab gesand/das er  
stürb vnd seyn blut verguisse/Darumb das die leutt nicht konten yhr sund  
durch yhre kresset vnd werck vertilgen/ vñ yhr loß werden. Aber zu dem dz  
solichs gepredigt wirt/gehört nu etwas mehr: Den wen ich schö das höre/  
so glarw ichs noch nicht. Darumb gibt Gott den heyligen geyst dazu/ d  
drückt solche predige yns hertz/ das sie daryn hafftet vnd lebt. Denn es ist  
yhe gewislich war/ Christus hat es alles außgericht/sund hynweg geno/  
men vñ alles überwunden/das wir durch yn hern sollē sein über alle ding/  
da liegt der schatz auß eym haussen/er ist aber nicht außgeteylt noch ange/  
lege/ Drumb sollen wir yn habē/ so muß d heylig geyst kommen/der vñ yns  
hertz gebe/das wir glawben vñ sprechen. Ich byn auch der eyner/d solch  
güt habē sol. Wen wir das fulhen/das vns Got also geholffen vñ solche  
schatz geben hat/da gehet es den recht von statthen/vñ kan nyimer feyle/des  
menschen hertz muß lüstig werden/ gegen Got/ vñ sich empor heben/vnd  
sprechen. Lieber vater ist das deyn wil/das du mir so grosse liebe vñ trewe  
erzeygist/die nicht gnüg zuermessen ist/ So wil ich dich auch von herzen  
lyeb habenn vnd frölich seyn vnd gern thun/was dyr gefellet/ Do sihets  
das hertz Got nyimmer mit schelen augen an/ dencket nicht/ eh: werd yhn  
ynn die hell werffen/ wye vor hymn/ ehe der heylig geyst kam/ do es keynn  
gutt/ keynn lyeb noch trewe/ sondern nichts den zorn vnd vngnad Gots  
tis fülett/ Sonderm dye weyll der heylig geyst solchs ynns hertz drücket

A 117

bas yhn Gote so frenndlich vnd gnedig sey/ so dunct es yhn/ das Gott  
nicht mehr zornen kunde/ vnd wirt so lustig vñ vnerschrocken/das er vmb  
Gottis willen alles thut vnd leydet/ was zu thun vnd zu leyden ist.

Also solltu den heyligen geyst lernen kennen/ Das du wissett wo zu er  
geben/ vnd was seyn Amt sey/ Clemlich/das er den schatz Christum/vñ  
alles was er hat/der vns geschenkt vnd durchs Euangelion verkündigt  
ist/an lege/das er yhn dyr ynn deyn herz gebe/ das er deyn eygen sey. Wen  
er nu das aufricht/ vnd du solichs ynn deym herzen fulest/ so folget/ das  
man muss sprechen/ Ist das die meynüg/das meyne werck nichts helfsen/  
sondern der heylig geyst muss es thun/ Was will ich mich den mit wercke  
vnd gesetzen plerwen? Also fallen alle menschen werck vnnnd gesetz dahyn/  
ya auch Moses gesetz. Den eyn solch mensch/ist vber alles gesetz/Den der  
heylig geyst leret yhn besser/ den alle bucher/ das er die schrifft baß versteht/  
het/ den mans yhm sagen kan/vnd thutt von yhm selbs/ alles was Gott  
will/das das gesetz nichts von yhm sondern darff. Darumb darff mann  
der bucher nicht weytter/den das man ihi dazu biauch/das mans erwey  
ße/ wie es also drynne geschriebenn ist/ als der heylig geyst lerett. Den wyr  
mussen nicht denn glaroben alleyn bey vns halten/ sondern lassen herauß  
brechen/Welchen zu gründen vnd beweyßen/ wyr müssen die schrifft ha  
ben. Darumb sihe yhe drauff/das du ya den heyligen geyst/ nicht fur eyne  
gesetz macher halltest/Sondern fur den/der das gesetze aufshebe/ vnd den  
menschen so freymache/ das keyn buchstabe da bleybe/ oder nur vmb des  
predigen willenn bleybe.

Aber hic soll man auch verstendig seyn/  
das diß alles nicht also zu gehe/ als sey einn solch mensch/ der den heyligen  
geyst hat/so bald schon gar volkommen/das er nichts fulhe vom gesetz vnd  
von der sunde/ vnd sey aller ding rein/Denn wyr predigen nicht also vom  
heyligen geyst/vnd seynem ampt/als hab ers schon aufgericht vnd voln/  
bracht/Sondern also/ das es nu hab angefangen/ vnnnd izet ymmer ym  
schwangehe/ das ers yhe mehr vñ mer treybe/vñ nicht aufshöre. Darüb  
wirstu keyn solchen menschen finden/der on sunde vnd on betrübnis/ voll  
gerechtickeyt vnd voll freude sey/vñ so volkommen/ das er sich keyns dings  
annehme/vnd yderman frey dahyn diene/Den die schrifft erzelet wol/ was  
der heylig geyst thue/ Clemlich das seyn ampt sey/ von sunden vnd schrei  
cken erlossen/ aber darumb ist es noch nichtt ganz außgericht. Darumb  
muss eyn Christen mensch zu weylen ym herzen fulhen seyn sind vñ ersch/  
recken furm tode/ das yhm alles anliege/ was sonst eyn andern sunder an-

ficht/ Die vnglewigen stecken wol also yn yhren sünden/ das sie es nicht  
fülen/ aber diße fulen sie wol/ Do gegen aber haben sie eyn auß helffer/ den  
heylichen geyst/ der sie tröstet vnd stercket/ Wen ers aber außgericht hette/  
vnnd eyn end gemacht/ so fulheten sie der keyns.

Darumb sag ich/ das man hie klug seyn muß/ vnd drauß sehen/ das  
man von dem heyligen geyst nicht zu trozig vnd freydig poche/ Auf das  
nicht yemand zu sicher farhe/ vnd sich duncken lasse/ das er allenthalben  
völkomen sey. Den eyn from Christen mensch/ ist dennoch auch fleyßch vñ  
blüt/ wie ander leutt/ on das er sich mitt der sund vnd bößen lust schlechte/  
vnd fulhet das er nit gerne fulet/ Die andern aber nehmen sichs gar nichts  
an/ vnnd schlagen sich gar nichts damit.

Es liegt nicht daran/ das man böße lust fulet/ also fern/ das man nur  
dar widder streytte. Darumb mußeyn solcher mensch/ nicht richten nach  
seym fulen/ als were es drumb verloren/ Sondernn sich mitt der vberige  
sunde/ die er fulet/ erbeyten seyn lebttag/ vnd den heyligen geyst lassen wir/  
cken/ vnd on vnterlaß seuffzen/ das er der sund möcht lossz werden/ Wie  
den solch seuffgen nymmer aufs höret ynn den glewigen/ vnd gehet tief/  
fer den mans aussprechen kan/ wie S. Paulus sagt Ro.: 8. Es hat aber  
eyn kostlichen zuhörer/ Clemlich/ den heyligen geyst selbs/ der fulet das sché  
nen wol/ vnnd tröstet auch solche gewissen.

Also mußes ymer gemenget seyn/ das mans beydes fule/ den heyligen  
geyst vnnd vnser sund/ vnd unvölkomenheit/ Den es muß also vmb vns  
stehen/ wie vmb ein frant mensch/ der vnter des arzts henden ist/ aber  
soll nu besser vmb yhn werden. Drumb soll niemant also dencken/ Dißer  
mensch hat den heyligen geyst/ drumb soll er ganz starck seyn/ eytel kostli  
che werck thun vñ keyn geprechen habē. Noch nicht also/ Das Euāgeliū  
ist nicht eyn predig fur yederman/ Es ist vber die maſe ein ſuſſz predig/ Aber  
wen eyn rauch durr hertz drauß felle/ so ſchafft es keyn nutz/ sondern es  
werden die leut nur frecher vnd leychtfertiger dauon/ vñ meynen ſie dürf/  
fen nicht mit dem fleyßch streytten/ den ſie fulhen yhre sund vnnd vnglück  
nicht/ Darumb wir der heylig geyst niemant geben/ den ſie eben denen/ die  
da ſtehen ynn becrubnis vnd angst/ da ſchafft das Euāgeliū nutz vnd  
frucht. Den diße gab ist zu hoch vnd edell. Darumb wirft ſie Got nicht  
fur die hund/ Und wen ſie ſchon drauß fallen/ das ſie es hören predigen/  
ſo freſſen ſie es/ vñ wiſſen nicht was ſie freſſen/ Es müssen ſolche hertzen  
ſeyn/ die da fulen vñ ſehen yhri böße lust/ vnd nicht hyrauß kommen können

Den es muß gezappelt seyn/ soll der heylig geyst komen vnd helffen/ Und  
solls yhn niemant ynn sytnehmen/ das es anders werd zugehen.

Das haben wyr auch hie yn diefer hystori/ die lieben iunger sassen das  
noch yn der forcht vnd erschrecken/ vnd waren noch vngetrost/ war auch  
noch keyn müt da/ lagen noch ym vnglaroben/ das sie gleych verzagten.  
Und Christus hatte viel mühe vnd erbeyt mit yhn/ das er sie widder auff  
richtet/ Und war keyn ander geprechen da/ den das sie sich furchten der  
hymel siel auss sie/ das sie der herr selbs nicht gnüg kont trostenn/ so lang  
bisher zu yhn sagt/ Der heylig geyst soll zu auch vom hymel komen/ d wirt  
mich ynn ewer hertz drucken/ das yhr mich erkennet/ vnd darnach auch  
durch mich den vatter/ so wirt ewer hertz fro werden. Darumb geschach  
es auch also/ Da der heylig geyst kam/ wurdenn sie getrost vnd gestrecte  
vnd voll freude. So haben wyr das geschicht vom heyligen geyst/ Nun  
was wir daryn gehandelt haben/ wollen wyr ym Euangelio auch sehē.

Allso spricht Christus/ Wer mich liebet/ der wirt meyn wort halten/  
vnd meyn vatter wirt yhn lieben. Differ text gepyrt eyn frage/ Warumb  
Christus also redet/ Als müssen wyr anfahen zu lieben/ So doch gewisiss/  
das es widersynnisch zugehe/ das vns Gott muß anfahen zu lieben. Diffe  
frag hab ich vor mehr auch auff gelöst/ Also/ das etliche spruch laitzen/  
als heben wyr es an/ Die andern/ das es Gott anfahe. Tu muß Got yhe  
den ersten steyn legen/ der sehet am ersten an/ vnd nymp mich zu gnaden/  
das ich ynn seynen huld stehe/ Aber darumb fulh ichs noch nicht so bald/  
Wye wol seyn werck schon da ist/ Wie wyr auch gesehen habenn/ do der  
heylig geyst kam/ kam er also/ das er eyn solch groß prawßen macht/ vnd  
die iunger erschrecket/ das sie nicht wusten/ wo sie bleiben solten.

Aber wen er also kompt/ so ist er seher nahe/ vnd do zundet er das hertz  
an/ das es die liebe fulhet. Wen es den folchs fulhet/ hebt es auch an zu lie-  
ben/ Das meyne hie Christus. Darumb redet er nicht von dem werck/ das  
wyr anheben/ Sondern davon/ das wir hernach fulhen/ vnd vō der liebe/  
die auff dem fulhen folget. So ist nu das die meinung/ Wer mich liebet/ der  
wirt meyn wort halten/ vnd meyn vatter wirt yhn lieben/ Das ist/ Wen  
ich gemacht hab/ das der mensch meyn lieb fulhet/ so wirt er anfahē mich  
widder zu lieben tc. Darumb iss von dem fulhen der liebe/ nicht von dem  
anheben zu lieben gesage.

Nu wer mich also liebet(spricht er) der wirt meyn wort halten/ Das  
ist/ Er wirts fulhen/ das er mich liebet vnd wirt gewar werden/wie ich  
vnd meyn

vnnd meyn vatter zu ym kommen/vnnd bey ym wonen werden/Wer aber  
mich nicht liebet/ der helt meyn wort nicht zc. Do sehen wyr/das gar bes-  
chlossen ist/ das die den heyligen geyst nicht haben/ nicht eyn buchstaben  
vom gesetz halten. Drum sage ich/ wen alle prediger auffstehen/ vnd das  
gesetz predigen/ vn̄ wollen die leut da mit frum machen/Was machen sie?  
Nichts machen sie/Den kurtz vmb es muß vor lieb ym hertze seyn/Sonst  
wirt nichts drauß/das man das gesetze halte/Solere nu vorhin/wie man  
die lieb ovet kom/ so kan man darnach das gesetz thun. Der heylig geyst ist  
darumb geben(wie wyr gesagt haben) das er das gesetz auff hebe/Darüb  
soll man die Christen nicht mit gesetzen regieren. Die andern aber die nichtt  
Christen sind/muß man damit zwingen/vn̄ sie vnter die hencker werffen/  
vnd mit dem schwerdtt regieren/ das man yhn were/das sie nicht mit der  
hand bosc thun/ob sie gleych damit nicht besser werden ym herten. Nun  
wil aber Christus seyn wort nicht gehalten haben/mit der hand/wie men-  
schen gesetz/ Sondern von herten mit lust vnnd liebe. Wer gibt aber die  
selbige? Der heylig geyst gibt sie/vnd sonst niemand.

Nun folget weyter/ Solichs hab ich zu euch geredt/die weylich bey  
euch gewesen byn/ Aber der troster der heylig geyst/ wilchen meyn vatter  
senden wirt yn meynem namen/der selbige wirts euch alles leren/vnd euch  
erynnern/ alles des/das ich euch gesagt hab. Da nennet er den heyl-  
igen geyst eyn troster/ Sol ym der namen bleybē/ so muß er mit seyne ampe  
an keynem ort zu schaffenn haben/ denn wo keyn trosts ist/vnnd wo man  
trosts bedarf vnd begert/ Darumb kann er die herten köpff vnd frechen  
herzen nichtt trosten/ Den die selben haben keyn zappeln/noch verzagen  
geschmeckt/vnd sind nie yn keyne not können. Darumb kan er nichts schaf-  
fen/ den alleyn bey den betrubten/ trostlosen vnd verzagten herzen.

Was soll er aber thun? Er soll es alles leren/vnd erynnern zc. Do ha-  
bens vnser geleretten hergezogen/das sie sagen/Es steht nicht alles yn der  
schrifft/das man geroben/thun vnd lassen soll/ Sondern der heylig geyst  
sol noch viel ding lerē/das Christus nicht geleret hat/wilchs doch strack's  
widder den heyligen geyst ist/vnd eben gar widdersynnisch. Den Christus  
spricht also/ Er wirt euch leren vn̄ erinnern alles/das ich euch gesagt hab/  
Das ist/ Er wirts euch feyn verklären/was ich euch yzund sage/besser/dē  
ich mit wortē kan lerē/das yh: keyner wort mehr werdet bedurffen/Alleyn  
das yhis yzet vorbyn wisset/ vnd eyn zeychen habt/auff das yh: wen es  
geschehen wirt/dester basser glewbet. So sprechen sie/Er werd nicht das

B

sagen/das Christus sagt. Wie sollen wir den leyden/ das der Papst vnnb  
Bischoff zu faren vñ sagen/das der heylig geyst lere/was sie setzen? Weyll  
wir hie sehenn/ das Christus seyn wort will auß den heyligen geyst stellen/  
welcher auch darumb hie ist/das er von Christo zeugnis gebe/ vñ was er  
geleret hat/ lebendig mache/ ynn vnsfern herten/das wirs versteven vnnb  
glewen. Darüb/ wo dich yemand etwas anders leret den von Christo/  
so glewb nur nicht/ das es dießer geyst sey.

*vota*  
Nu weyter spricht der herr/Den frid lasse ich euch/ Mleynen frid geb  
ich euch/ Nicht geb ich euch wie die welt gibt. Do schen wir aber/des heyligen  
geysts ampt/ das er nur denē geben wirt/die ym leyden vñ elend stec-  
ken/Den das wollen die wort das er spricht. Ih: dürfft nicht dencken/das  
ich euch solchen frid gebe/wie die welt gibt/ Die welt helt das für frid/ so  
das vbel wirt abgerissen vnd gescheyden von der person/ Als wenn eyner  
arm ist/ so denckt er/ Er hab gross vnfrid mit dem armuth/ vnnb trachte  
wie er das armut hynweg lege/vñ meynet/wen das hynweg ist/ so hab die  
person frid vnd sey reich. Item wen eyner sterben soll vñ der todt außsym  
ligt/ so denckt er/ kont ich dē todt hynweg nehmen/ so het ich frid vñ blieb  
lebendig. Aber solche frid gibt Christus nicht/ Sondern lesset das vbel still  
ligen/das es den menschen drückt/ vnd nympft nicht hynweg/ Brauchtt  
aber eyn ander kunst/ vnd macht die person anders/ vnd reyset die person  
vom vbel/ nicht das vbel von der person.

Das gehet also zu/ Wenn du ym leyden stectest/ so wendet er dich also  
dauon/ vnd gibt dyr eyn solchen mut/ das du meynest/ du sygest ym rosen/  
garren. Also ist mitten ym sterben/ das leben/ vnd mitten ym vnfrid/frid  
vnd freude. Darumb ist es eyn solcher frid/ wie S. Paulus sagt Philipp.  
4. Der über alle syn schwebt/ Den dießen griess' an keyn mensch mit seyne  
vernunfft treffen/noch mit synnen erdenckē/ drumb thuts Christus allein/  
der spricht also zu dir/ Do tritt nur mitten yn todt hineyn/ vñ styrb/ so soll  
der heylig geyst zu dyr kommen/ vnd dich so müttig vnd freydig machen/  
das du dē todt nicht fulest/ ya das er dir wolschmeckt. Das kompt daher/  
das dich der heylig geyst leret erkennen/die grosse gütte vnd gnade Christi/  
das er die an yn glewbe zu herren macht/ wie er selb ist/ über sund tode vñ  
alle ding. Darumb muß eynn Christen mensch also geschickt seyn/ das eh  
konne frölich sein/ ym glück vnnb vnglück/ es sey süss obder sawer/ Doch  
ist es eyner mehr den der ander/ Denn wyr sind nicht alle volkommen/ Da es  
wirt keyner volkommen seyn/ das er keyn Gappeln mehr fulhe.

Darumb rede ich von dem ampt des heyligen geystis/was er thun sol  
vnd ymmer ym schwang gehen lasset/ weners hat angefangen/ Also/das  
du nu anhebst den todz zuverachten/ Du must aber fort faren vnd drynnē  
bleyben/vnd wytter arbeytten/das du dich ymmer yhe weniger vñ wenis-  
ger furchtest/ Darumb sollen nicht verzagenn/ wen du gleych noch denn  
tode fulhest/vnd nicht dencken/ich hōre das der heylig geyst das hertz fro-  
lich mache/ das es den todz nicht fulet/ vñ ich fule doch/das ich mich das  
vor entseze/ Drumb sche ich wol/das er nicht bey myr ist/ Den seyn ampe-  
sthet nicht also/das es schon außgericht sey/ Sondern das es von tag zu  
tage ymmer yhe mehr wirckt/vñ weret so lang wyr leben. Also/das doch  
ymmer betrubnis auch mit vnter dem frid gemengt sey/ Denn wenn keyn  
betrubnis do were/ so kont er vns nicht trosten.

Was nu hie folget am end des Euangelij/sind eyttel eröfliche wortt/  
Vlemlich als er sprucht/Ewer hertz erschrecke nicht vñ furcht sich nicht zc  
Vnnd diße wort gehen auch alle dahyn/das sie anzeygen/was der heylig  
geyst thun soll. Denn do sihstu aber/ wer sie sind/ mitt wilchen der heylig  
geyst zuschaffen hat/Vlemlich/die do voll travoren vnd leydes sind/Denn  
weren die iungern nicht vorhyn erschrocken gewesen/ vnd sich hetten ges-  
forchte/ so het sie Christus nicht also offt getroßtet/ Wie wol es noch nicht  
angelegt war/Den er sprucht nur/ Ich sag es euch yzund mit wortē/das  
yhr nicht erschrecken sollt/Aber es hilfft noch nicht/yhr werdet noch nicht  
frölich/ Ich sags euch aber darumb/wen der heylig geyst kompt/vñ euch  
trosten wirt/ das yhr frölich werden verb/ das yhrs denn sehet vñ wissē.

Darumb beschleinst er/vnd spricht/ Ich gehe hyn vnd kum widder zu  
euch(Vlemlich/durch den heyligen geyst) Hettet yr mich lieb/so würdet yr  
euch frewen/das ich gesagt hab/ Ich gehe zum vatter/ denn der vatter ist  
größer den ich/Vnd nu hab ichs euch gesagt/ ehe denn es geschicht.

Auff das/wen es nu geschehen wirt/das yhr glewbet. Ich byn eynn  
mensch/spricht er/vñ werd yzund sterben/Wen yhr mich aber lieb hettet/  
so würdet yhr fro werden/das ich zum vatter gehe. Christum lieb haben  
ist/das man den menschen lieb hatt/der do regiert ym heyligen creutz/vnd  
redet nur von leyden/ Das kann niemand thunn/ bys das der heylig geyst  
kompt/der alleyn dieße lieb ym hertzen anrichtet. Drumb will ehr sagen/  
Wen der heylig geyst wirt komen/so werdet yhr fro seyn/das ich zum vat-  
ter byn komen/ Iczund schmecke yhrs nicht/darumb kont yhr nicht lieb  
haben. Aber wen ich zum vatter kum/do werdet yhr mich lieb haben/dars

B q

vmb das ich byn hynauff gangen/vnd kan euch nu helffen/vnd den heyligen geyst geben. Do wirtt euch den meyn leyden vnd todt tröstlich seyn/wen yhr sehen werdet/das ich wider lebe/ vnd zu euch kum/euch beystehe/vnd aller gutter/ die ich hab/ teylhaftig mache. Darumb müssen wyr Christen herren werden/vber alles was Gott geschaffen hatt/vnd könne auff Christum trozen vnd sprechen/ Meynn herr Christus/ der für mich steht/ ist eyn herr vber alle ding/ Was will mir den thun? Den der vatter ist so groß/das er ynn zu eynem herren gemacht hatt/ vber alle creaturen/das yhm alles ding muß zun fussen liget.

Also sihstu/ wie dich Evangelion ymmer gehett auff das amptt des heyligen geysts/das mans recht erkenne/Das ehr eygentlich darumb gebē ist/das er uns tröste/vnd mache das wyr Christum lieb haben/Darumb siheyhe drauff/das du dich nicht last blenden/vnd anders leren/von dem heyligen geyst/ denn wye du gehört hast.

